



Pagpasok sa Australia

Sundin ang mga hakbang sa ibaba para makapasok sa Australia.

Hakbang 1 - Bago ka mag-book ng biyahe mo

Alamin ang mga kinakailangan para sa iyong visa

Huwag subukang magbiyahe papuntang Australia nang walang visa. Puwede mong gamitin ang aming visa finder para tingnan ang [mga opsyon sa visa](#).

Hakbang 2 - Alamin ang mga kinakailangan para sa iyong pagpapabakuna

Tutukuyin ng iyong katayuan sa pagpapabakuna kung ano ang kailangan mong gawin para makapasok sa Australia.

Tingnan kung natutugunan mo ang [mga kinakailangan sa pagpapabakuna ng Australia para sa mga layunin ng pagbibiyaha sa ibang bansa](#).

Puwedeng kanselahin ang visa, makulong, at mapaalis ang mga may-ari ng visa na dumating sa Australia kung sila ay:

- hindi pa ganap na nabakunahan para sa mga layunin ng pagbibiyaha sa ibang bansa alinsunod sa mga kinakailangan sa pagpasok sa border ng Australia; o
- walang medical contraindication sa isang bakuna laban sa COVID-19 gaya ng tinukoy ng Pamahalaan ng Australia; o
- wala sa isang *may pahintulot na kategorya* o may indibidwal na pahintulot sa pagbibiyaha.

Kung hindi mo natutugunan ang mga kinakailangang ito, kailangan mong sundin ang mga hakbang para sa [mga hindi nabakunahang biyahero](#).

Hakbang 3 - Kunin ang iyong katibayan ng pagpapabakuna

Kung nabakunahan ka sa Australia, kumuha ng Katibayan ng Pagpapabakuna Laban sa COVID-19 para sa Ibang Bansa (International COVID-19 Vaccination Certificate o ICVC).

Kung nabakunahan ka sa ibang bansa at walang ICVC, kailangan mong kumuha ng katibayan sa pagpapabakuna sa ibang bansa na nakakatugon sa mga kinakailangan ng Australia.

Para sa higit pang impormasyon, tingnan ang [Mga kinakailangan sa pagpapabakuna at pagpapasuri](#).

Hakbang 4 - Alamin ang mga kinakailangan sa pagdating ng estado at teritoryo

Bago ka mag-book ng flight mo, alamin ang mga kinakailangan sa pagdating sa estado at teritoryo. Puwedeng kasama rito ang mga form ng pagpaparehistro sa pagpasok sa border o pag-quarantine.

Alamin sa lahat ng estado at teritoryong dadaanan at pupuntahan mo. Puwedeng magbago ang mga kinakailangan nang may biglaang abiso.

Responsibilidad mong sumunod sa mga paghihigpit at kinakailangan sa pagbibiyahe na naaangkop sa iyo. Kung hindi ka susunod, puwede kang maharap sa mga malalang parusa, kasama na ang pagkakakulong at malalaking multa. Tingnan ang: [Mga kinakailangan sa pagdatng ng estado at teritoryo](#).

Hakbang 5 - Planuhin ang iyong biyahe

Magplano nang maaga

Dapat mong isaalang-alang kung ano ang gagawin mo kung magkaroon ng mga pagkaaantala at pagkaabala sa iyong biyahe.

Hakbang 6 - I-book ang iyong biyahe

Hakbang 7 - Maghanda sa pagbiyahe

Kumpletuhin ang iyong Digital na Deklarasyon ng Pasahero

Simulan ang iyong Digital na Deklarasyon ng Pasahero (Digital Passenger Declaration o DPD) pitong araw bago ang iyong flight at isumite ito sa loob ng 72 oras bago ang iyong pag-alis papuntang Australia.

Hinihingi ng DPD ang mahahalagang impormasyon ng kalusugan. Isang ipinag-uutos na kinakailangan ang pagbibigay ng impormasyong ito. Makakatulong itong matiyak na hindi ka makakaranas ng mga hindi kinakailangang pagkaantala sa airport, o sa iyong pagdating sa Australia. Para sa higit pang impormasyon, tingnan ang: [DPD](#)

Hakbang 8 - Sumailalim sa pagpapasuri sa COVID-19 bago ang pag-alis

Kakakilanganin mong ipakita sa mga kawani ng airline ang katibayan ng kamakailang negatibong pagpapasuri sa COVID-19.

Para sa higit pang impormasyon sa kung anong pagpapasuri ang kailangan mo at kung kailan ito dapat isagawa, tingnan ang [pagpapabakuna at pagpapasuri](#).

Hakbang 9 - Ihanda ang iyong mga dokumento para sa airport

Kapag nag-check in ka para sa iyong flight, hihilingin sa iyo ng mga kawani ng airline na ipakita ang iyong:

- pasaporte
- visa
- katibayan na natutugunan mo ang [mga kinakailangan sa pagpapabakuna para sa mga layunin ng pagbibiyaha sa ibang bansa ng Australia](#)
- [negatibong resulta ng pagpapasuri sa COVID-19](#)
- nakumpletong [DPD](#).

Hakbang 10 - Tugunan ang mga kinakailangan sa pagpasok sa Australia

Kabilang dito ang clearance sa immigration, customs, at biosecurity.

Para sa higit pang impormasyon, tingnan ang [pagtawid sa border](#).

Hakbang 11 - Tugunan ang mga kinakailangan sa pagdating ng estado ng teritoryo

Aatasan ka ng karamihan sa mga estado at teritoryo na sumailalim sa pagpapasuri sa COVID-19 sa lalong madaling panahon na makarating ka sa Australia.

Dapat mo itong alamin, at ang anupamang kinakailangan para sa lahat ng [estado at teritoryo na dadaanan at pupuntahan mo](#).

Pagdaan sa Australia

Pagdaan sa loob ng 72 oras o wala pa

Kung dadaan ka sa Australia, **kailangan** mong kumuha ng tiket ng pag-alis sa isang flight na aalis sa Australia nang hindi hihigit sa 72 oras pagkatapos ng iyong unang pagdating. Kung walang available na isang naaangkop na connecting flight, **hindi** magiging posible ang pagdaan sa Australia.

Mga kinakailangan sa Visa

Para dumaan sa Australia, kailangan mong magkaroon ng may bisang visa o magmula sa isang karapat-dapat na bansa para [Dumaan nang walang visa](#) (Transit without a visa o TWOV).

Kung wala kang may bisang visa o hindi karapat-dapat para sa TWOV, kailangan mong mag-apply ng visa para makapasok sa Australia. Para dumaan sa Australia sa loob ng hanggang 72 oras, mag-apply ng [Transit visa \(subclass 771\)](#).

Pagpapasuri sa COVID-19

Kailangan mo ng negatibong resulta ng pagpapasuri sa COVID-19 para makadaan sa Australia. Para sa higit pang impormasyon, tingnan ang [pagpapabakuna at pagpapasuri](#).

Digital na Deklarasyon ng Pasahero

Simulan ang iyong Digital na Deklarasyon ng Pasahero (Digital Passenger Declaration o DPD) pitong araw bago ang iyong flight at isumite ito sa loob ng 72 oras bago ang iyong pag-alis papuntang Australia.

Hinihingi ng DPD ang mahahalagang impormasyon ng kalusugan. Isang ipinag-uutos na kinakailangan ang pagbibigay ng impormasyong ito. Makakatulong itong matiyak na hindi ka makakaranas ng mga hindi kinakailangang pagkaantala sa airport, o sa iyong pagdating sa Australia. Para sa higit pang impormasyon, tingnan ang: [DPD](#)

Mga kinakailangan ng estado at teritoryo

Kailangan mong sumunod sa mga kinakailangan sa pagdaan ng mga estado o teritoryo kung saan ka dumating. Baka kailangan mong manatili sa isang matutuluyang hotel at puwedeng hilingan sa iyong bayaran ang iyong pananatili roon, habang hinihintay ang iyong flight paalis. Para sa higit pang impormasyon, tingnan ang [mga kinakailangan sa pagdating ng estado at teritoryo](#).

Mahigit sa 72 oras

Kung mananatili ka nang mahigit sa 72 oras sa Australia bago ang iyong connecting flight, **hindi ka itinuturing** na dadaan sa Australia.

Kailangan mong matugunan ang lahat ng iba pang kinakailangan sa pagpasok sa Australia, kasama na ang mga kinakailangan sa pagpapabakuna laban sa COVID-19 at pagpapasuri sa COVID-19, visa, clearance sa immigration, clearance sa customs, clearance sa biosecurity, at mga ipinag-uutos na deklarasyon ng kalusugan. Para sa higit pang impormasyon, tingnan ang [pagtawid sa border](#).

Kailangan mo ring tugunan ang [mga kinakailangan sa pagdating ng estado ng teritoryo](#).